

**Тошкент ирригация ва қишлоқ хўжалигини механизациялаш муҳандислари институтининг
“Технологик жараёнлар ва ишлаб чиқаришни автоматлаштириш ва бошқариш”
кафедраси ҳамда ТАТУ хузуридаги “Ахборот-коммуникация технологиялари илмий-
инновацион марказининг “Интеллектуал бошқарув тизимлари” ўртасида кафедра
филиалини ташкил этиш тўғрисида**

ШАРТНОМА № 4

“5” 11 2018 йил

Тошкент шаҳри

Ўзбекистон Республикаси Президентининг 2017 йил 20 апрелдаги ПҚ 2909- сонли “Олий таълим тизимини янада ривожлантириш чора-тадбирлари тўғрисида”ги ва 2017 йил 24 майдаги ПҚ 3003-сонли “Қишлоқ ва сув хўжалиги тармоқлари учун муҳандис-техник кадрлар тайёрлаш тизимини тубдан такомиллаштириш чора-тадбирлари тўғрисида”ги ҳамда 2017 йил 27 июлдаги “Олий маълумотли мутахассислар тайёрлаш сифатини оширишда иқтисодиёт соҳалари ва тармоқларининг иштирокини янада кенгайтириш чора-тадбирлари тўғрисида”ги ПҚ-3151-сонли қарори, 2018 йил 8 майдаги ПҚ-3702 ҳамда 2018 йил 5 июндаги ПҚ-3775-сонли қарорларини ижроси бўйича билан Республикамиз худудларини ижтимоий-иқтисодий ривожлантириш учун олий маълумотли мутахассисларни тайёрлаш сифатини оширишда иқтисодиёт соҳалари ва тармоқларининг иштирокини кенгайтириш, олий таълим тизимида кадрлар тайёрлашнинг мазмунини мамлакатнинг тараққиёти истиқболлари, жамият эҳтиёжлари, илм-фан, техника ва технологияларнинг замонавий ютуқларидан келиб чиққан ҳолда тубдан такомиллаштириш вазифаларни бажариш мақсадида Тошкент ирригация ва қишлоқ хўжалигини механизациялаш муҳандислари институти (ТИҚХММИ) ректори Ў.П.Умурзаков бир томондан, ТАТУ хузуридаги Ахборот-коммуникация технологиялари илмий-инновацион маркази (АКТИИМ) номидан мазкур марказ директори Р.Х. Хамдамов иккинчи томондан ушбу икки томонлама кафедра филиалини ташкил этиш тўғрисидаги инновацион ҳамкорлик шартномасини туздилар.

1. Шартноманинг мазмуни

Сув хўжалиги соҳалари учун юқори малакали кадрларни тайёрлаш, мутахассислар малакасини ошириш, соҳани жадал ривожлантиришда ТИҚХММИ ҳамда АКТИИМ “Интеллектуал бошқарув тизимлари” ўртасида кафедра филиалини ташкил этиш бўйича уларнинг ўртасида ўзаро манфаатли инновацион ҳамкорликни ўрнатиш:

- Ахборот коммуникация технологияларини сув хўжалиги соҳасида ўз ечимини кутаётган илмий-техник ва технологик муаммоларини ўрганиш ва уларни илмий асосланган ҳолда ҳал қилиш чораларини белгилаш;
- ТИҚХММИнинг профессор-ўқитувчилари, докторантлар, мустақил изланувчилари ва иқтидорли талабаларининг интеллектуал салоҳиятини АКТИИМ даги “Интеллектуал бошқарув тизимлари” лабораториясига реал муаммоларни ечиш учун сафарбар қилиш.
- ТИҚХММИ профессор-ўқитувчилари, докторантлари, мустақил изланувчилари ва иқтидорли талабаларининг илмий-тадқиқот фаолиятлари натижасида яратилаётган ишланмаларини ишлаб чиқаришга ўз вақтида жорий этиш.
- АКТИИМ “Интеллектуал бошқарув тизимлари” лабораторияси базасида магистрларнинг стажировкаларини ташкиллаштириш, ўқув режалари ва фан дастурларига реал иқтисодиёт субъектлари талабларига мос равишда ўзгартириш ва қўшимчалар киритиш бўйича ўрнатилган тартибда таклифларни ишлаб чиқиш.
- Сув хўжалиги соҳалари учун юқори малакали кадрларни тайёрлаш, мутахассислар малакасини ошириш, соҳа фанини жадал ривожлантиришда ТИҚХММИ ҳамда АКТИИМ “Интеллектуал бошқарув тизимлари” лабораторияси ўртасидаги алоқа тизимини такомиллаштириш, шунингдек уларнинг ўртасида ўзаро манфаатли ҳамкорликни ўрнатиш;
- Юқори малакали мутахассислар, жумладан илмий ва илмий – педагогик кадрлар ва магистрлар тайёрлашда ТИҚХММИ ҳамда АКТИИМ “Интеллектуал бошқарув тизимлари” лабораториясининг моддий техник базаси ва салоҳиятидан фойдаланиш ҳамда ўқув ва илмий –

тадқиқот муассасалари салоҳияти ва базасидан унумли фойдаланган ҳолда уларни ривожлантириш;

- Бўш иш ўринлари ва истиқболда янги мутахассисларга бўладиган эҳтиёжлар ҳақидаги маълумотлар базасини шакллантириш, битирувчиларни малакавий битирув ишларини ва диссертацияларини бажаришларида ва ишга жойлаштиришда яқиндан ёрдам бериш.

2. Томонларнинг вазифалари ва мажбуриятлари

(шартномага илова қилинган ва ўзаро келишилган чора-тадбирлар режаси асосида)

2.1. АКТИИМ :

- ТИҚХММИ билан “Интеллектуал бошқарув тизимлари” лабораторияси ўртасидаги кафедра филиалини ташкил этиш тўғрисидаги инновацион ҳамкорликни ривожлантириш учун биргаликда инновацион ишчи гуруҳ ташкил этиш.
- “Интеллектуал бошқарув тизимлари” лабораториясининг ўз ечимини кутаётган илмий-техник ва технологик муаммолар тўғрисидаги маълумотларни инновацион гуруҳга тақдим этиш;
- инновацион гуруҳ таркибига тажрибали ва юқори малакали мутахассисларни киритиш ва уларнинг самарали ишлашлари учун зарурий шарт шароитларни яратиш;
- таълимда узвийлик ва узлуксизликни ҳисобга олган ҳолда давлат таълим стандартлари, ўқув режалари ва дастурларини такомиллаштиришда, кафедра моддий техника ва ўқув лаборатория базасини ривожлантиришда иштирок этиш ҳамда ҳомийлик қилиш;
- марказнинг етакчи мутахассислари томонидан институт профессор-ўқитувчилари ва талабаларига маърузалар ўқиш, бакалаврлар малакавий битирув ишлари ва магистрлар диссертацияларига илмий раҳбарлик қилиш;
- ўзаро ҳамкорликда услубий қўлланмалар яратиш, илмий – тадқиқот ишларини олиб боришни ташкил этиш ва илмий натижалардан ўқув жараёнида фойдаланишни таъминлаш. Инновацион гуруҳнинг самарали деб топилган илмий ишланмаларини корхоналарнинг ишлаб чиқариш амалиётларига татбиқ этиш;
- институт профессор – ўқитувчилари ва илмий ходимларининг қисқа муддатли амалиётларини ўтказиш ва малакасини ошириш мақсадида ўзининг моддий техника базасидан фойдаланиш имкониятини яратиш;
- соҳа бўйича ишлаб чиқаришда мавжуд маълумотлар ва муаммолар банки билан ТИҚХММИ талабномаси бўйича мунтазам таъминлаб бориш ва илмий амалий ҳамкорликни амалга ошириш;
- талабаларнинг ўқув, малакавий ва битирув олди амалиётларини ўз базасида дастур талаблари даражасида ўтказилишини таъминлаш, талабаларга етакчи мутахассислардан раҳбарлар бириктириш; талабалар ва магистрлар билан сув ҳўжалиги объектларида интеллектуал бошқарув тизимларини қўллаш масалалари бўйича ташкил этиладиган учрашувларда қатнашиш.
- мазкур шартнома иловасида келтирилган ўзаро келишилган чора тадбирларнинг барча тегишли бандларини ва томон розилигига кўра бошқа шартларни бажариш мажбуриятини олади.

2.2. ТИҚХММИ :

- талабаларни юқори малакали кадрлар бўлиб етишишларида уларнинг тахсил олиши учун таълим муассаси Низомида кўзда тутилган барча зарурий шароитларни яратиш;
- кадрларни тасдиқланган ўқув режа ва дастурларига мувофиқ давлат таълим стандартлари талаблари даражасида ҳомий ташкилотлар тавсияларини эътиборга олган ҳолда тайёрлаш, мутахассисларни битирувчиларнинг якуний давлат аттестацияларида иштирок этишларини таъминлаш;
- инновацион гуруҳ томонидан намунавий истиқболли илмий тадқиқот мавзулари рўйхатини шакллантириш ва уларни Фан ва технологияларни ривожлантиришни мувофиқлаштириш кўмитасига тақдим этиб бориш;
- корхоналарнинг илмий – техник ва технологик муаммолари асосида битирув малакавий ишлари, магистрлик диссертациялари мавзулари банкни шакллантириш;
- талабаларга ўқув дастурларига қўшимча равишда АКТИИМ “Интеллектуал бошқарув тизимлари” лабораториясининг етук мутахассислари томонидан соҳада олиб борилаётган ислохотлар, мавжуд муаммолар, эришилаётган ютуқлар, илғор техника ва технологиялар ҳамда стратегик йўналишларга бағишлаб ўқиладиган маъруза ва давра суҳбатларини ташкил этиш;

- соҳасига фидоий ва юқори сифат даражасида дарс бераётган ҳамда тадқиқотлар бажараётган профессор-ўқитувчилар ва иқтидорли ҳамда жамоат ишларида фаол бўлган талабаларни рағбатлантириш;
- АКТИИМ “Интеллектуал бошқарув тизимлари” лабораториясининг тавсиясига кўра олий маълумотли ходимларни марказ тизимидаги илмий текшириш институтлари қошида хар уч йилда бир марта малака оширишларини ташкил этиш;
- АКТИИМ “Интеллектуал бошқарув тизимлари” лабораториясига магистрларни ўқув ва малакаий амалиётларни график асосида ўтишга юбориш. Битирувчи талабаларни ишга йўллашнинг ўзаро манфаатли шакллари ишлаб чиқиш;
- АКТИИМ “Интеллектуал бошқарув тизимлари” лабораториясида мавжуд маълумотлар асосида битирув малакавий ишлар, магистрлик, докторлик диссертациялари мавзусини шакллантириш ҳамда ҳамкорликда илмий тадқиқотлар ташкил этиш;
- АКТИИМ “Интеллектуал бошқарув тизимлари” лабораториясининг етакчи мутахассисларини ўқув жараёнига жалб этиш;
- ТИҚХММИда ўтадиган халқаро ва республика анжуманларига ва бажариладиган халқаро илмий лойиҳаларга марказнинг етакчи олимларини таклиф қилиш;
- ТИҚХММИда тайёрланаётган янги дарслик, ўқув қўлланма ва компьютер дастурларида АКТИИМ “Интеллектуал бошқарув тизимлари” лаборатория ходимларини иштирок этишига шароит яратиш;
- фан – таълим – ишлаб чиқариш ўртасида ўзаро ҳамкорликнинг ривожланишига ҳисса қўшаётган соҳанинг фидоий ходимларини рағбатлантириш;
- мазкур шартнома иловасида келтирилган ўзаро келишилган чора тадбирларнинг барча тегишли бандларини ва томон розилигига кўра бошқа шартларни бажариш мажбуриятини олади.

5. Шартноманинг амал қилиш муддати

- Мазкур шартнома томонлар имзолагандан кундан бошлаб кучга киради ва беш йил муддатга амал қилади. Амал қилиш муддати тугагандан сўнг томонлар шартномани тугатиш ҳақида ёзма огоҳлантириш бермасалар унинг амал қилиш муддати кейинги беш йилга узаяди.

6. Томонларнинг юридик манзиллари

ТИҚХММИ: 100000, Тошкент ш.
Қ.Ниёзий кўчаси, 39 – уй.
Тел./факс: 237-19-61
E-mail:

ТАТУ ҳузуридаги АКТИИМ
Тошкент ш. Кичик кўча, 2

Тел. +998(71) 232-25-37
Fax: 234-07-44 E-mail: info@insoft.uz

ТИҚХММИ ректори

Ў.Умурзаков
20 йил

ТАТУ ҳузуридаги АКТИИМ директори

Р.Хамдамов
20 йил

“Келишилган”

“Технологик жараёнлар ва ишлаб чиқаришни автоматлаштириш ва бошқариш” кафедраси мудири
проф. Р. Газиева

“Келишилган”

ТАТУ ҳузуридаги Ахборот-коммуникация технологиялари илмий-инновацион маркази
“Интеллектуал бошқарув тизимлари” лаб.
мудири, т.ф.н, доц. А.Кабильджанов